

四庫全書

經部

欽定四庫全書

經部

三禮圖集注卷二

詳校官侍郎<sub>臣</sub>謝 朐

給事中<sub>臣</sub>溫常綬覆勘

總校官編修<sub>臣</sub>王燕緒

校對官檢討<sub>臣</sub>李學錦

謄錄監生<sub>臣</sub>柴汝誠

繪圖監生<sub>臣</sub>孫大儒

欽定四庫全書

經部四

三禮圖集注

禮類四 三禮總義之屬

提要

臣等謹案三禮圖集注二十卷宋聶崇義撰

崇義洛陽人周顯德中累官國子監司業世宗詔崇義參定郊廟祭玉因取三禮圖凡得六本重加考訂宋初上於朝太祖覽而嘉之詔頒行考禮圖始於後漢侍中阮諶其後有

梁正者題謚圖云陳留阮士信受學於潁川  
綦母君取其說為圖三卷多不按禮文而引  
漢事與鄭君之文違錯正稱隋書經籍志列  
鄭元及阮謚等三禮圖九卷唐書藝文志有  
夏侯伏朗三禮圖十二卷張鎰三禮圖九卷  
崇文總目有梁正三禮圖九卷宋史載吏部  
尚書張昭等奏云四部書目內有三禮圖十  
二卷是開皇中勅禮部修撰其圖第一第二

題云梁氏第十後題云鄭氏今書府有三禮  
圖亦題梁氏鄭氏則所謂六本者鄭元一阮  
詵二夏侯伏朗三張鎰四梁正五開皇所撰  
六也然勘驗鄭志元實未嘗為圖殆習鄭氏  
學者作圖歸之鄭氏歟今考書中宮室車服  
等圖與鄭注多相違異即如少牢饋食敦時  
南首鄭注云敦有首者尊者器飾也飾蓋象  
龜周之制飾器必以其類龜有上下甲此言

敦之上下象龜上下甲蓋者意擬之辭而是  
書敦與簠簋皆作小龜以為蓋頂是一器之  
微亦失鄭意沈括夢溪筆談譏其犧象尊黃  
目尊之誤歐陽修集古錄譏其簠圖與劉原  
父所得真古簠不同趙彥衛雲麓漫鈔譏其  
爵為雀背承一器犧象尊作一器繪牛象林  
光朝亦譏之曰鼎氏三禮圖全無來厯穀璧  
則畫穀蒲璧則畫蒲皆以意為之不知穀璧

止如今腰帶上胯上粟文耳是宋代諸儒亦不以所圖為然然其書抄撮諸家亦頗承舊式不盡出於杜撰淳熙中陳伯廣嘗為重刻題其後云其圖度未必盡如古昔苟得而考之不猶愈於求諸野乎斯言允矣今姑仍其舊帙錄之以備一家之學此書世所行者為通志堂刊本或一頁一圖或一頁數圖而以說附載圖四隙行欵參差尋覽未便惟

內府所藏錢曾也是園影宋抄本每頁自為一圖而說附於後較為清整易觀今依仿繕錄焉乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀



三禮圖集注原序

昔者秦始皇之重法術而天下貴刑名魏文帝之惡方  
嚴而人間尚通變上之化下下必從焉是以雙劍崇節  
飛白成俗挾琴飾容赴曲增朴自然之道也周世宗暨  
今皇帝恢堯舜之典則總夏商之禮文思隆大猷崇正  
舊物儀形作範旁詔四方常恨近代以來不能慕遠無  
所釐革溺於因循傳積世之漸訛為千載之絕軌去聖  
遼夙名實謬乖朱紫混淆鄭雅交雜痛心疾首求以正

之而名儒嚮風適其所願國子司業兼太常博士聶崇義垂髦之歲篤志於禮禮經之內游刃其間每謂春秋不經仲尼恥是闕睢既亂師摯憫之今吉凶之容禮樂之器制度舛錯失之甚焉施之於家猶曰不可朝廷之大寧容濫瀆義欲正失於得返邪於正潛訪同志定其禮圖而所學有淺深所見有差異作舍道側三年不成衆口云云何所不至會國朝創制彝器迨於車服乃究其軌量親自規模舉之措之或沿或革從理以變惟適

其本時之學者曉然服義於是博采三禮舊圖凡得六  
本大同小異其猶面焉至當歸一之言豈容如是吾誰  
適從之歎蓋起於斯何以光隆於一時垂裕於千古遂  
鑽研尋繹推較詳求原始以要終體本以正末躬命績  
素不差毫釐率丈而行恐迷其形範以圖為正則應若  
宮商凡舊圖之是者則率由舊章順考古典否者則當  
理彈射以實裁量通者則惠朔用其互聞呂望存其兩  
說非其學無以臻其極非其明無以宣其象遵其文譯

其器文象推合略無差較作程立制昭示無窮匪哲匪  
勤理無攸濟既勤且哲何滯不通有以見臨事盡心當  
官御物官不同事人不同能得其能則成失其能則敗  
禮圖至此能事盡焉國之禮事之體既盡美矣物之紀  
丈之理又盡善矣其新圖凡二十卷附於古今通禮之  
中是書纂述之初詔儼總領其事故作序焉

欽定四庫全書

三禮圖集注卷一

宋 聶崇義 撰

大裘冕

衮冕

與后祿衣畫細紐約明已下皆有

鷩冕

毳冕

絺冕

玄冕

韋弁服

皮弁服

冠弁服

三公毳冕

上公衮冕

侯伯鷩冕

子男毳冕

卿大夫玄冕

爵弁

皮弁

諸侯朝服

周天子吉服有九冕服六弁服三凡九也故司服云王祀昊天上帝則服大裘而冕祀五帝亦如之享先王則衮冕享先公饗射則鷩冕祀四望山川則毳冕祭社稷五祀則絺冕祭羣小祀則玄冕兵事韋弁服眡朝皮弁

服凡甸冠弁服又孔疏引弁師掌王之五冕皆玄冕朱  
裏止言玄朱而已不言所用之物論語云麻冕禮也蓋  
以布衣版上玄下纁取天地之色其長短廣狹則經傳  
無文漢禮器制度云冕制皆長尺六寸廣八寸天子已  
下皆同董巴輿服志云廣七寸長尺二寸皇氏沈氏以  
為諸侯之冕應劭漢官儀云廣七寸長八寸皇氏沈氏  
以為卿大夫之冕若依此言豈董巴專記諸侯應劭專  
記卿大夫此蓋隨代變易大小不同今依漢禮制度為


定謂之冕冕者俛也後高前下有俯俛之形故因名焉  
蓋以在位者失於驕矜欲令位彌高而志彌下故制此  
冕令貴者下賤者也其服舊說云天子九章據大章而  
言其章別兮小章章依命數則皆十二為節上公亦九  
章無升龍有降龍其小章章別皆九而已驚冕毳冕以  
下皆然必知有小章者若無小章絺冕三章則孤有四  
命六命卿大夫玄冕一章卿大夫中則有三命二命一  
命天子之卿六命大夫四命明大章中有小章乃可得



依命數又司馬彪漢書輿服志云明帝永平二年初詔  
有司采周官禮記尚書之文制冕皆前圓後方朱裏玄  
上前垂四寸後三寸王用白玉珠十二旒三公諸侯青  
玉七旒卿大夫黑玉五旒皆有前無後此亦漢法耳今  
案三禮經注孔賈疏義并諸家禮圖逐冕下別各明其  
制度則古今沿革事可知矣



大裘



大裘者黑羔裘也其冕無旒亦玄表纁裏案鄭志大裘之上又有玄衣與裘同色但無文彩耳裘下有裳纁色朱韋素帶朱裏朱綠終辟佩白玉而玄組綬赤舄黑紵纁純約者謂拘屨舄之頭以為行戒纁縫中紉也純綠也三者皆黑色大裘已下冕皆前圓後方天子以球玉為笏王祀昊天上帝五帝崑崙神州皆服大裘

衮冕



衮冕九章舜典曰予欲觀古人之象日月星辰山龍華蟲作績宗彝藻火粉米黼黻絺繡此古天子冕服十二章王者相變至周而以日月星辰畫於旌旂所謂三辰旂旗昭其明也而冕服九章初一日龍二曰山三曰華蟲四曰火五曰宗彝皆畫績於衣次六曰藻七曰粉米八曰黼九曰黻皆刺繡於裳此九章登龍於山登火於宗彝尊其神明也以龍能變化取其神山取其所仰也火取其明也宗彝古宗廟彝尊名以虎雉畫於宗彝

因號虎雉為宗彞故并畫虎雉為一章虎取其嚴猛雉取其智遇雨以尾塞鼻是其智也冕制廣八寸長尺六寸以三十升布染之上以玄覆冕為延下以朱衣之又以紐綴於冕兩傍垂之與武傍孔相當以笄貫之使得牢固又以紃一端先屬於左邊笄上以一頭遶於頤下向上於右邊笄上遶之袞冕十二旒以五采絲為之繩貫五采玉每旒各十二玉垂於冕前後共二十四旒計用玉二百八十八五采繩十二就就成也每就間蓋一

寸五冕服皆玄衣纁裳朱韍素帶朱裏又以朱綠終裨

太子詹事尹拙議云衮冕已下君臣合畫充耳天子黼纁諸臣青纁工部尚書竇儀議云臣儀案周禮弁師掌王之五冕皆玄冕朱裏延紐五采纁十有二就皆五采玉十有二玉笄朱紘諸侯之纁旒九就璫玉三采其餘如王之事纁旒皆就玉璜玉笄注侯當為公字之誤也其餘謂延紐皆玄覆朱裏與王同也玉璜塞耳者疏云王不言玉璜於此言之者王與諸侯互見為義是以王言玄冕朱裏延紐及朱紘明諸侯亦有之諸公言玉璜明王亦有之是其互有也詳此經注疏之文則是本有充耳今請令君臣衮冕已下並畫充耳以合正文




鷺冕



驚冕七章享先公饗射之服鄭注弁師云驚衣之冕纁  
九旒亦以五采纁繩貫五采玉每旒各十二玉垂於冕  
前後共一十八旒計用玉二百一十六驚雉名即華蟲也  
華蟲五色蟲也故一曰華蟲二曰火三曰宗彝皆畫於  
衣四曰藻五曰粉米六曰黼七曰黻皆刺於裳韍帶綬  
舄皆與袞冕同

堯見




毳冕五章祀四望山川之服案鄭義毳冕七旒亦合五采絲繩貫五采玉每旒各十二玉前後共十四旒計用玉百六十八毳畫虎雉謂宗彝也故此五章初曰宗彝二曰藻三曰粉米皆畫於衣四曰黼五曰黻皆繡於裳藻水草也取其文如華蟲之義粉米取其潔又取其養人也粉米不可畫之物故皆刺繡於衣與裳也黼諸文亦作斧案繪人職據采色而言白與黑謂之黼若據繡於物上即為金斧之文近刃白近銚黑則曰斧取金斧

斷割之義也青與黑為黻形則兩已相背取臣民背惡  
向善亦取君臣離合之義



絺冕



絺冕三章祭社稷五祀之服孔安國以絺為細葛上刺  
繡後鄭讀絺為紩或作黼本有此二文取紩為正既讀  
絺為紩刺也絺之三章粉米在衣是不可畫之物乃  
刺於衣上故得絺名則黼黻二章準繡於裳也其冕五  
旒亦五采藻繩十有二就每旒各貫五采玉十二用玉  
百二十



玄冕



玄冕一章祭羣小祀之服賈疏云上四衣皆玄而有畫此衣不畫而無文其衣本是一玄故獨得玄名一章唯裳刺黻而已其冕三旒五采藻十二就每旒亦貫五采玉十二計用玉七十二羣小祀謂林澤墳衍四方百物之屬

韋弁



韋弁服者王及諸侯卿大夫之兵服後鄭云韋弁以韎  
韋為弁又以為衣裳春秋傳曰晉卻至衣韎韋之跗注  
是也今時伍伯緹衣古兵服之遺色矣其跗注賈服等  
以跗為足跗注為注袴而屬於跗後鄭讀跗為幅注為  
屬以韎韋如布帛之幅而連屬以為衣而表裳賈疏云  
五行也伯長也謂鄭見漢時宿衛者之行長服此重赤  
之衣是古兵服赤色之遺象也天子亦以五采玉十二  
飾弁之縫諸侯以下各依命數玉飾之皮弁玉飾亦然

皮弁



士冠禮皮弁服素積緇帶素鞶注云以白鹿皮為冠象  
上古也此明上古未有布帛衣其羽皮也又云積猶辟  
也以素為裳辟感其要中也亦用十五升布為衣以象  
弁色蓋天子素帶素鞶朱裏朱綠終辟佩白玉白舄青  
紉纁純又弁師云王之皮弁會五采玉璫象邸玉笄注  
云會縫中也璫讀為綦綦結也邸謂下柅梁正張鑑圖  
云弁縫十二賈疏引詩會弁如星謂於弁十二縫中結  
五采玉落落而處狀似星也又於弁內頂上以象骨為

抵至三王重質不變故王服之以日視朝燕諸公甥舅  
視學祭菜皆服焉賈疏云皮弁韋弁同但色異耳

--	--	--	--	--	--	--	--



弁冠



田獵則冠弁服後鄭云冠弁委貌也委安也服之所以  
安正容體也若以色言之則曰玄冠故士冠禮云主人  
玄冠朝服緇帶素鞶其注云玄冠委貌也朝服則十五  
升緇布衣素裳白舄養老燕羣臣亦服之其諸侯不限  
畿內畿外視朝行道皆服之天子諸侯之卿大夫祭其  
廟亦皆同服之但白屨為別然則周之委貌殷之章甫  
夏之母追並用緇布為之故有玄冠之名三代諸侯各  
為朝服以行道

端玄



端取其正也士之玄端衣身長二尺二寸袂亦長二尺  
二寸今以兩邊袂各屬一幅於身則廣袤同也其袼尺  
二寸大夫以上侈之蓋半而益一然則其袂三尺三寸  
袼尺八寸司服云齊有玄端張鎰圖云天子齊玄衣玄  
冠玄裳黑鞞素帶朱綠終辟佩白玉黑舄赤紵纁純諸  
侯唯佩山玄玉為別燕居朱裳朱鞞赤舄黑紵纁純卿  
大夫素裳上士玄裳中士黃裳下士雜裳前玄後黃大  
夫以上朝夕服之唯士夕服之夕者若今晡上視事耳

三公  
毳冕



三公八命而下服毳冕者案射人職掌三公孤卿之位三公北面孤東面卿大夫西面以三公臣中最尊故屈使北面荅君也其摯執璧與子男同制故服毳冕與子男同也雖從毳冕五章其旒與小章皆依命數此所謂屈而伸者也玉纁亦皆三采每纁八成則八旒每旒八玉計用璫玉百二十八諸家禮圖皆不載三公之冕臣崇義案弁師注於命爵之中獨著孤纁四就用玉三十二仰推王之三孤六命上極三公纁玉形制彩繪章數

觸類可知故特圖於上公衮冕之右亦內外之次也





上公  
衮冕




司服云公之服自衮冕而下注云自公衮冕至卿大夫之玄冕皆朝聘天子及助祭之服諸侯非二王後其餘皆玄冕而祭又弁師云諸公之纁旒九就璫玉三采其餘如王之事纁旒皆就玉璫玉笄注云三采朱白蒼其餘延紐皆玄覆朱裏與王同纁旒就皆三采每纁九成則九旒每旒九玉計用玉百六十二其五冕之版亦廣八寸長尺六寸前圓後方又覲禮注云公衮有降龍無升龍又明堂位注黻畫山火而無龍祭義云諸侯冕而

青紵玉藻云笏諸侯以象又曰荼前屈後直張鑑圖云  
其服玄衣纁裳朱黻素帶朱綠終辟佩山玄玉朱組纓  
赤舄黑紵纁純其方伯及王之子弟出封侯伯皆得服  
之朝王助祭焉




侯伯  
鷩冕



司服云侯伯之服自鷩冕而下弁師注云侯伯纁七就  
纁玉皆三采每纁七成則七旂每旂亦貫七璫玉計用  
玉九十八鞅帶綬舄皆與上公同王祀昊天上帝助祭  
及朝王皆服之王者之後方伯王之子弟封為侯伯者  
皆服之以助王祭先公及饗射

子男  
毳冕



司服云子男之服自毳冕而下又弁師注云子男纁五就纁玉皆三采每纁五成則五旂每旂亦貫五璫玉計用五十鼓帶綬舄皆與侯伯同若朝王及助王祀昊天上帝祭先王先公饗射祭四望山川及自祭四望山川皆服之王者之後方伯王之子弟封為侯伯者皆服之以助王祭四望山川



冕絺



典命云公之孤四命以皮帛視小國之君又司服云孤之服自絺冕而下鄭注弁師云孤纁四就纁玉皆朱綠用玉三十二其服三章玄衣纁裳朱黻素帶玄華褊垂佩水蒼玉緇組綬赤舄黑紵纁純服以助祭社稷又張鎡圖云天子孤及卿皆六命則同絺冕之服三章小章則畫六上公及王之三公二王之後二伯九州之牧侯伯王之同姓封為侯伯者服之以助王祭社又玉藻云笏大夫魚鬚文竹孤亦同焉

卿大夫  
玄冕



司服云卿大夫之服自玄冕而下注云朝聘天子及助祭之服諸侯非二王之後其餘皆玄冕而祭又弁師注云三命之卿纁三就纁玉亦朱綠用玉十八再命之大夫纁再就纁玉亦朱綠用玉八若王朝之大夫上公之卿得用三就之纁玉公之大夫子男之卿再命者得同再就之纁玉其服皆玄冕一章小章各依命數玄衣纁裳朱韍素帶玄華褱垂佩水蒼玉緇組綬赤舄黑絢纁純二伯九州之牧王之同姓封為侯伯者助王祭羣小

祀視朔朝日皆服之



弁 爵




爵弁制如冕但無旒為異士冠禮注云爵弁者冕之次  
謂尊卑次冕也張鎰退於韋弁之下亦非宜也其弁板  
亦廣八寸長尺六寸前圓後方弁上覆大冕俱用三十  
升布其色赤而微黑如爵頭然裏亦纁色一命大夫之  
冕亦無旒其制與爵弁不殊得名冕者一命大夫之冕  
雖無旒亦前低一寸二分故得冕稱其爵弁則前後平  
故不得冕名又士冠禮云爵弁服纁裳純衣緇帶韎韐  
注云此與君祭之服如自祭廟則服玄冠玄端純衣絲



衣也衣皆用布唯冕與爵弁服用絲耳韎韐緼韍也士  
緼韍幽衡合韋為之士染以茅蒐因以名焉又士佩璫  
玟玉而緼組綬纁屨黑絢纁純



皮弁



司服云士之服自皮弁而下又弁師注云韋弁皮弁之  
會無結飾士冠禮云皮弁服素積緇帶素鞶與君視朔  
之服同玉藻云佩璫玟玉而緼組綬又云士笏竹本象  
可也若上公韋弁皮弁璫飾九玉侯伯七玉子男五玉  
皆三采孤四命璫飾四三命之卿璫飾三再命之大夫  
璫飾二皆二采諸侯皮弁白布衣素裳白鞶素帶朱綠  
終裨佩山玄玉白舄青紵纁純卿大夫則白屨諸侯朝  
王及自相朝視朔則服之王朝之臣亦服以朝王其韋弁

服既為軍容君臣同服制度已見於上更不別圖



諸侯

朝服



玉藻云朝服以日視朝於內朝鄭云朝服冠玄端素裳也又王制云周人玄衣而養老注云天子燕服為諸侯朝服彼云玄衣即此玄端也張鑑圖云緇玄二服素鞞素帶朱綠終裨佩山玄玉白舄青紵纁純天子之御服以從燕諸侯諸侯之孤卿大夫服以朝君



士玄 端



士冠禮云玄端玄裳黃裳雜裳緇帶爵韠注云此暮夕於朝之服賈疏云謂嚮暮之時夕君之服也玄端即朝服十五升布衣也不言朝服而言玄端者欲見色而取其正也上云主人玄冠朝服此唯云玄端不言玄冠者但冠者三加冠始加緇布次皮弁次爵弁不加玄冠故不言也又說諸侯之士有三等之裳上士玄裳中士黃裳下士雜裳前玄後黃但玄是天色黃是地色天尊地卑故上士玄裳中士黃裳下士雜裳還用玄黃者以前

陽後陰故知前玄後黃也

三禮圖集注卷一

以下六篇，原書部分模糊

欽定四庫全書

三禮圖集注卷二

宋 聶崇義撰

褱衣

音翬

揄狄

音翟搖

闕狄

音翟

鞠衣

展衣

又作禮展

祿衣

純衣

纁衽

宵衣

音綃

墨車

厭翟車

金飾諸末

筭

橋

內司服掌王后之六服褱衣揄狄闕狄鞠衣展衣祿衣此上六服皆以素沙為裏使之張顯但婦人之服不殊裳上下連則此素沙亦上下連也王之吉服有元章弁皮弁玄端三等裳服與后鞠衣以下三服同但王祭服有六后祭服唯有三翟耳何者天地山川社稷之等后夫人皆不與故三服而已必知外神后夫人不與者案內宰云祭祀裸獻則贊天地無裸唯宗廟有內宗外宗

佐后皆云宗廟不云外神故知后於外神不與以其婦人無外事故也若然哀公問孔子云以為天地社稷主者彼見夫婦一體而言也又案後鄭云六服備於此者以諸經傳言婦人之服多矣文皆不備其六服唯此文為備鄭言此者亦欲推次六服之色故也是以一云闕翟赤禴翟青禕衣玄者以王后六服其色無文故須推次其色言推次以鞠衣象鞠塵其色黃祿衣與男子祿衣同其色黑二者為本以五行之色從下向上以次推

之水色既黑祿衣象之黑矣水生於金祿衣上有禮衣  
則禮衣象之金色白金生於土土色黃鞠衣象之黃矣  
土生於火火色赤鞠衣上有闕翟則闕翟象之赤矣火  
生於木木色青闕翟上有褕翟象之青矣五行一色已  
盡六色唯有天色玄禕衣最在上象天色玄是自下推  
次其色然也三翟唯褕言衣者禕衣是六服之首故以  
衣目之也案漢志皇后謁廟服紺上皐下蠶上青下縹  
皆深衣制

徐廣曰即單衣也

隱領袖緣以條假結步搖簪珥

上太



皇太后皇太后首飾云翦翬齒結簪珥耳當垂珠也簪以瑇瑁為栴長一尺端為華勝上為鳳凰爵以翡翠為毛羽下有白珠垂黃金鑷左右一橫簪之以安齒結諸簪珥皆同制其栴有等級焉下云夫人魚須栴鄒風以象骨為栴是其等級與步搖以黃金為山題貫白珠為栴又作摘音竹革反

桂枝相繆一爵九華熊虎赤罷天祿辟邪南山豐大特

六獸詩所謂副笄六珈者也

爵獸皆以翡翠為毛羽金題白珠璫繞以翡翠為華

云副若今步搖釋名曰皇后副其上有垂珠步則搖也

續漢志云乘輿黃赤綬四

采黃赤縹紺淳黃圭長二丈九尺九寸五分五百首太

皇太后皇太后其綬皆與乘輿同蔡邕獨斷曰皇后赤

綬後漢鄧皇后賜馮貴人赤綬又加賜步搖環佩各一

具

凡先合單紉為一絲四絲為一扶五扶為一首五首成文文采渾為一圭首多者絲細少者絲麤廣尺六

寸案周禮追師掌后首服為副編次名制有三等雖代有沿革稽諸典禮參於舊圖以意求之則古今一法髣髴而見矣其委貌形制古屨為各於六服之下圖而解之

褱衣



禕衣翬雉衣也其色玄後鄭以為素質五采刻為翬雉之形五色畫之綴衣上以為文章后從王祭先王則服上公二王後魯夫人助君祭宗廟皆服之首飾亦副周禮追師掌王后之首服為副註云副者后夫人之首飾編髮為之笄衡笄也珈笄飾之最盛者所以別尊卑也後鄭云副之言覆也所以覆首為之飾珈之言加也今步搖上飾也古之制所有未聞孔疏云王后之衡笄皆以玉為之唯祭服有衡垂於副之兩傍當耳其下以五

色統懸玉瑱若編次則無衡其筭言珈者以玉飾筭后夫人首服尤尊者此別及衡筭以珈唯后夫人有之卿大夫已下則無故云別尊卑也又云珈之言加者以珈字從玉由副既筭而加此飾故謂之珈漢之步搖如周副之象故可以相類也古今之制不必盡同故古制得有未聞者以言六珈必飾之有六但所施不可考據此言六則侯伯夫人為六王后雖多少無文以侯伯夫人推之宜十二今但圖六則餘法可知又屨人注云玄舄

為上祿衣之舄也凡舄與裳同色此與衣同色者以婦人尚專一德無所兼故連衣裳不異其色故云玄舄為上祿衣之舄也既玄舄配祿衣則青舄配揄翟赤舄配闕翟又云鞠衣以下皆屨者六服之三翟既以三舄配之則下文命夫命婦唯言屨不言舄故知鞠衣已下皆屨也又云舄屨有約有纁有純飾也者言纁是牙底相接之縫綴黃條於其中約謂屨頭以黃條為鼻約拘也取拘持為行戒使人低目不妄視也純謂以黃條為口

緣凡舄之飾如績次玄舄黃絢纁純者玄黃天地色相對為績次之飾也赤絢纁純者王黑舄之飾也赤黑南北相對亦績次之飾也黑絢纁純者王赤舄之飾也青絢纁純者王白舄之飾也青白東西對方亦績次之飾也后之赤舄亦黑飾后之青舄亦白飾也若然詩弁纁屨黑絢纁純黑與纁南北相對用績次為屨飾者尊祭服也凡屨之飾如繡次此約皮弁白屨黑絢纁純為飾白與黑西北次方為繡次之飾又后黃屨白絢纁純白

屨黑絢纁純黑屨青絢纁純此三者鞠衣已下之屨也  
然則屨舄王有三等后有六等也上公以下夫人得服  
褱衣者亦玄舄也



揄翟




後鄭讀揄狄為搖翟雉名青質五采故刻繒為揄翟之  
形而五采畫之綴於衣上以為文章然則揄翟之衣其  
色青后從王祭先公則服之首飾佩綬與褱衣同青烏  
白紵纓純侯伯夫人助君祭宗廟亦服之首飾亦副

闕翟



案褱揄二翟皆刻繒為雉形又以五采畫之綴於衣此亦刻繒為雉形不以五色畫之故云闕翟其衣色赤俱刻赤色之繒為雉形間以大綴於衣上後鄭云今世有圭衣蓋三翟之遺俗也鄭君見漢時有圭衣刻為圭形綴於衣上是由周禮有三翟別刻繒為雉形綴於衣上漢俗尚有故云三翟之遺俗也首飾佩綬一如二翟赤烏黑絢纁純其子男夫人從君祭宗廟亦皆服之

鞠衣



鞠衣者后告桑之服也案後鄭云鞠衣黃桑之服色如  
鞠塵象桑葉始生月令三月薦鞠衣於先帝告桑事又  
彼注云先帝太昊之屬知非天帝者以其言先不言上  
故知非天春時唯祭太昊之屬薦鞠衣於神坐為蠶求  
福也以蠶功既大總祭五方帝於明堂故云之屬以該  
之又孔賈疏云以季春將蠶后服之告先帝養蠶之服  
鞠者草名華色黃故季秋之月云菊有黃華是鞠衣黃  
也又云鞠塵不為麴者古字通用也又云象桑葉始生

者以其桑葉始生則養蠶故服色象之其首服用編後  
鄭云謂編列髮為之其遺象若今假紒矣其佩綬如三  
翟黃屨白紵纁純屨之與舄形制大同惟禪底為異耳  
故屨人注云複下曰舄禪下曰屨複重也下謂底也然  
則禪底者名屨重底者名舄孤之妻從夫助君祭宗廟  
亦皆服之但紵用三采瑱用美石為異三采素青黃也  
知然者齊風著直居切詩云俟我於著乎而充耳以素乎  
而後鄭云我嫁者自謂也待我於著謂從君子出至於

著我視君子則以素為充耳謂懸瑱之紱為素色下又云充耳以青充耳以黃據人臣三色妻亦然也又云尚之以瓊華尚飾也瓊美石華石色故知人臣用美石也彼毛以素為象瑱鄭不從者必若素是象瑱下文何得更云瓊英之事乎故鄭以素青黃昏為紱色也或曰鞠衣以下后紱亦三采



展衣



展衣色白后以禮見王及賓客之服佩綬如上上首服亦編白屨黑約纁純後鄭云展當為禮者案喪大記云世婦禮衣禮之言亶也亶誠也案詩鄘風君子偕老及此文皆作展並是正經鄭必讀為禮者以禮從衣而有衣義爾雅亶展雖同訓為誠展者言之誠亶者行之誠貴行賤言禮字以亶為聲有行誠之義故從禮也此亦卿大夫之妻從夫助君祭宗廟得服之案祭義曰君牽牲夫人奠盎君獻尸夫人薦豆卿大夫相君命婦相夫

人是也



祿衣



祿衣色黑后接御見王之時則服祿衣及次案追師注云次者次第髮長短為之所謂髮髭也賈疏云所謂少牢主婦髮髭即此次也髭髭同音地彼注云古者或剔賤者刑者之髮而為之案魯哀公十七年說衛莊公自城上見已氏之妻髮美使髭之以為呂姜髭杜云呂姜莊公夫人髭髮也以此言之是取他髮為髭也則有不<sub>用</sub>他髮為髭自成紒者故鄘風君子偕老詩曰鬢髮如雲不屑髭也傳云鬢黑髮也如雲言長美屑絜也箋云

髣髴也不絜髮者不用髮為善也是不用他髮為髮同  
合已髮絜為紒者也漢志說大手紒蓋謂此也其佩綬  
如上而黑屨白紵纁純士妻從夫助祭亦服之婦人祿  
衣之黑始因男子之玄端亦名祿衣知者案士冠禮陳  
服于房爵弁服皮弁服玄端服至於士喪禮陳襲事于  
房亦云爵弁服皮弁服祿衣此祿衣當玄端處所以變  
言之者冠時玄端衣裳別及死而襲玄端連衣裳與婦  
人祿衣同故雖男子玄端亦名祿衣也又見子羔襲用

祿衣纁衽鄭注士昏禮云衽亦緣也祿衣纁緣是婦人  
嫁時之服亦非常衣也今子羔襲之故譏用婦服但纁  
衽與玄衣相對之物則男子祿衣黑矣男子祿衣既黑  
則婦人祿衣黑可知矣



純衣  
衿纁



纁衿當嫁之女所服也士昏禮云女次純衣纁衿立于房中南面注云次首飾今之髮也周禮追師掌為副編次純衣絲衣也此衣亦玄色衿緣也衿之為言任也以纁緣其絲衣象陰氣上任於陽也取交接有依之義凡婦人不常施衿之衣盛昏禮為此服耳喪大記曰復不以衿明非常衣也詩武王女下嫁齊侯之子車服不繫其夫下王后一等乘厭翟服褕翟加纁衿首飾亦副

宵衣



此師姆母所著之衣也士昏禮云姆纁笄宵衣在其右  
注云姆婦人年五十無子而出不復嫁能以婦道教人  
者若今時乳母矣纁韜髮纁也笄今時簪也纁亦廣終  
幅長六尺宵讀為素衣朱綃之綃魯詩以綃為綺屬姆  
亦玄衣即祿衣也以綃為領因以為名且相別耳姆在女右  
當詔以婦禮賈公彥釋曰婦人年五十陰道絕無子出  
之此七出之一也然就七出之中餘六出是無德行不堪教人  
者故取無子而出不復嫁能以婦道教人者留以為姆

既使教女因從女向夫家也纚亦如冠韜髮又纚以繒  
廣終幅長六尺以韜髮而紒之姆所異於女有纚有次  
姆則有纚無次宵讀為詩素衣朱綃之綃案詩唐風  
云素衣朱繡鄭箋破繡為綃此注據彼箋破字之義故  
直云素衣朱綃以為證也姆亦玄衣以綃為領因以為  
名者此衣雖言綃衣以亦與純衣同是祿衣用綃為領  
故因得名綃衣也且相別耳


謂上文女曰純衣此姆曰  
宵衣雖同是祿衣而純衣

宵衣名  
相別也

姆在女右當詔以婦禮者案禮記少儀云贊幣

自左詔辭自右地道尊右之義故姆在女右也

墨車



古駕四馬輶上曲句衡輶轅也衡軛也轅從軫已前稍曲而上至衡輶居衡上向下句之衡居輶下如屋之梁然詩所謂梁輶也先以驂馬內轡繫於軾又有游環貫驂馬之外轡游移前卻在服馬之背以止驂馬之外出又服馬之外各以一條皮上繫於衡後繫於軫在服馬脇謂之脇驅以止驂馬之內入二服夾轅其頸負軛兩驂在旁施靽助之是於陰版之前

陰版揜軌也

以皮為靽前

約驂馬之胷內繫於陰版外繫於軸以引之然則此車



衡長六尺六寸止容二服而已兩驂頸不當衡故別為

一鞵以約馬脅引車軸也又以鞵在馬背拘持二鞵案

士昏禮壻乘墨車

士棧車大夫墨車壻是士子得乘墨車者攝盛故也大夫已上革鞵而漆

之士棧車亦漆之但無革鞵與大夫為異耳鞵音莫干反

考工記曰棧車欲弇音掩飾

車欲侈然則大夫以上皆革鞵以飾其輿又有漆飾故

得飾車之名士卑車雖有漆無革飾不得名墨車及飾

車也故唯以棧車為名耳若然自卿以上更有異飾而

名玉金象以五采畫轂而篆約謂之夏篆唯用五采畫

轂無篆者謂之夏縵又有此五等之車案巾車云玉路以祀金路同姓以封象路異姓以封革路以封四衛木路以封蕃國孤夏篆卿夏縵大夫墨車士棧車庶人役車

木路有革鞵無漆飾故名木路役車謂方箱可載任器以供役者也

今士乘大夫墨車

為攝盛則大夫當乘卿之夏縵卿乘孤之夏篆以上木路質而無飾不可使孤乘之但禮窮則同故孤還乘夏篆亦尊之義也若然庶人當乘士之棧車與則諸侯天子之尊不假攝盛依巾車自乘本車矣玉路非祭祀不

可乘以親迎當乘金路矣以攝盛言之士冠與父同則


昏禮亦同是尊適子皆與父同庶子宜降一等也

下設

御皆同此然新圖此畫墨車二乘一是今法一是古法  
太子詹事尹拙議今車云當是目驗所見不堪垂法刪  
去可也工部尚書寶儀議云臣儀詳新圖所畫皆約三  
禮正文且於諸制之中不畫歷代沿革唯此駕部車之  
法徧見今世所宜以茲不倫致其異議未若惜畫蛇  
之餘力明馭馬之古規今已刪去今車乃從儀議



厭翟車  
金飾  
諸末



男子立乘其車有蓋無帷裳婦人坐乘有蓋有帷裳案  
士昏禮說壻乘墨車下云婦車亦如之有祫注云亦如  
之者車同等祫車裳帷

通幃

周禮謂之容車有容則有蓋

衛氓詩云淇水湯湯漸車帷裳童容也孔義云帷裳一

名童容故巾車云重翟厭翟安車皆有容蓋先鄭云容

謂檐車

祫與檐同又或作檐皆昌廉反

山東謂之帷裳或云童容即氓

詩云漸車帷裳是山東名帷裳也以其帷障車之傍如  
裳以為容飾故謂之帷裳或謂之童容者其上有蓋四

傍垂而下謂之褱故雜記云其輶有褱注云褱謂鼈甲  
邊緣是也然則童容與褱別而先鄭云容謂檐車者以  
其有童容者必有檐故謂之為檐車也惟婦人之車為  
然也王后始乘重翟王女下嫁諸侯乘厭翟服則褱翟  
後鄭云重翟重翟雉之羽厭翟次其羽使相迫也謂相  
次厭其本以蔽車也皆有容蓋舊圖以下著合卷破褱  
為之以線連柄端其制一同匏爵故不重出


太子詹事  
尹拙議云

今新圖不以金飾諸末乃引通典云自兩漢晉宋齊皇  
后唯乘重翟金塗五末轅一轂二箱二至後魏始說厭

翟亦金飾諸末又云不畫八轡者工部尚書竇儀議云臣儀今詳新圖續總輦帶車末之飾皆已正矣其帷裳所畫翟雉但云以類求之臣亦檢尋未見本義所闕八轡請令畫之




笄




士昏禮質明贊見婦于舅姑婦執筭棗栗自門入升自西階進拜奠于舅席又降階受筭殿脩升進北面拜奠于姑席下記云筭緇被纁裏注云被表也筭有表者婦見舅姑以飾為敬賈又釋上注云筭竹器而衣者以字從竹故知是竹器也其形蓋如今之筭簾蘆矣音墟漢時有筭簾蘆故舉之以況筭也但漢法去今遠其狀無以知之或見圖中如筭狀其口微弁而稍淺今取以為法筭音煩又舊圖讀如皮弁之弁以繒衣之容一斗

橋



昏禮記云笄緇被纁裏加于橋注云橋所以廢笄其制  
未聞廢居委反舊圖云讀如橋舉之橋以木為之似今之步  
案高五尺下跗午貫舉笄處亦午為之此則漢法也  
既周制無聞今亦依用



三禮圖集注卷二